



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXLVII. ad annum CCCCII.

Parisiis, 1644

Concilivm Romanvm Svb Siricio.

urn:nbn:de:hbz:466:1-15256

permittere. Ita omnes, quos causa inuoluerat, ad regem deducti. Prosper item in chronico. Arcadio & Bautone consulibus, Priscillianus in Synodo Burdigalensi se dammandum intelligens, ad imperatorem Maximum prouocauit: auditusque Treuiris ab Euodio præfecto prætorio, a Maximo gladio addictus est, cum Eucrocia Delphidii rhetoris coniuge, & Latroniano, aliisque erroris consortibus.

NOTA.

Causa Concilii. ^a Concilium.] Cum Priscillianus Cæsaraugustano Concilio damnatus, Gratiani rescripto restitutus fuisset, Ithacius apud Maximum imperatorem eundem vicissim citra protestationem de hæresi aliuve criminibus accusauit, mortisque supplicio dignum denuntiavit. Maximus imperator his accusationibus permotus, hanc Burdigalensem Synodum indici, atque Priscillianum cum Instantio ad eam citari & adduci mandauit. Vbi causam dixissent, Instantius episcopatu indignus pronuntiatus est. Priscillianus se dammandum intelligens, ad principem prouocauit. Cum iudices appellationi male detulissent, eamque contra ius & constitutiones ecclesiæ admisisissent, Treuiris hæresiarcha auditus, bis conuictus, tandem cum quibusdam aliis iussu Maximi gladio est occisus. Hæc ex Scuro lib. 2. & Prosper. chron. Baron. ann. 385. num. 22. 23. & 24.

Priscillianus hæresiarcha bis conuictus, Treuiris obtruncatur.

CONCILIVM ROMANVM
SVB SIRICIO.

Tempus & causa Concilii. ^a Concilium Romanum.] Anno Christi 386. ipso mense Ianuario, Romæ in basilica S. Petri celebratum est Concilium octoginta episcoporum, ad collapsam disciplinam in Africana ecclesia restaurandam. In Synodo nihil decretum, quod non apostolicis aut Nicænis Canonibus ante constitutum fuerat. Vnde Concilium, quod nominatur Carthaginense, cælibatum sacrorum ministrorum, non ex lege Siricii, sed apostolica auctoritate institutum sibi vendicat. Quos in Synodi epistola Siricius pontifex Montenses appellat, Donatistas fuisse, sciendum est: sic dictos, quod in montibus agere & conuenire solerent.

Numerus episcoporum.

Montenses qui & cur sic dicti.

Innouatæ constitutiones huius Concilii, in Concilio Teleptensi, sub Honorio imperatore in Africa celebrato, recitatæ fuerunt. Vide Baron. ann. 386. num. 2. & 3.

CON-